

8
12

F. PONAÆ
XII
CAESARES.

Quibus
Amicorum accessere
Epigrammata.



VERONÆ.

Typis Meruli. Super. Permissu.

Impensis Franc. Rubei.

M DC XLI.

THE

NEW

AMERICAN



REVIEW

OF THE
LITERATURE
OF THE
UNITED STATES

Radiantibus Auro Tholis

ANDREÆ CORNELII

Senatoris Amplissimi

Felicissima EIVS Sub Prætura

Veronensi

Dicatos Editos

Olim

CÆSARES

Auctiores Auctor

Denuo Attollit

ÆTERNI PIGNVS

OBSEQVII.

A 2 IN

4
IN XII CÆSARES
FRANCISCI PONÆ

Divi MARCI Equitis
Philosophi Medici Præstantissimi.

EPIGRAMMA.

NON hic Thesaurus, non est reperire quod Hermus,
Atque Tagi auriferis egerit unda vadis.

Nî quis fortè velit cænum appellare metallum
Hujus & illius dite quod amne fluat;

Esse Deos nî fortè velit Stygis horrida monstra;
Vel si quid monstris fædus esse potest.

Raptibus Harpyas, Stultâ Ambitione gigantes;
Luxuriâ Tityos, sævitiâ Eumenidas.

Hos laudent alij, scriptis encomia pangant,
Illorum Prosâ, ac Carmine gesta canant.

PONÆ, ΠΟΝΟΣ tuus est scelerũ exarmare phalanges,
Tè dignus, quòd & hic Hercule dignus erat.

F. F. M. F. S.

In

In Ejusdem
CÆSARES.

Repetite præli CÆSARES angustias,
Repetite nolentes, & invisos premat
Tortura Satyræ, torqueat, retorqueat.
Vobis rependat Fama promeritum decus,
Pretiumq; Vitio debitum, Tempus ferat.
Vestro peremptis, CÆSARES, arbitrio
Litæ cæsi proprio nunc sanguine,
Et fæda tenebris obruantur nomina.
Hucusque Laudum sator, & ingenj PONA
Mitis, Styllum modò exacuit, & Marmora
Transfodit, Aera eradit, & mendacii,
Falsique codicum architectos arguit,
Qui Vos benignos, æquitatis assecclas,

*Prudentiâque prædicandos prædicant ,
 Nihili homines , & impios , & stipites .
 Cur ora contraxistis , & minis truces
 Rotatis enses ? nescit en sceptri metum
 Armata stylo Veritatis dextera .*

Daniel Stellenius Badensis.



Iulius

Æt. Ann.
XLV.

FRANCISCVS PONA

IVLIVS CÆSAR.



Xilibus animis Nomen In-
gens : Improborum decus ,
Proborum dedecus ; Aeri ,
Marmori illustre probrum .

Affentatio illudens Deum fecit , Ambi-
tione insanum ; Diis jactantem se geni-
tum . Sylla , Marios inesse Cæsari plu-
res , ominosus præfagiit Vates . Is va-
ticinium implevit . Vir Fœminis , Vi-
ris Fœmina ; utroque Cæsar . Vxores di-
misit plures ? mutuum thalami metue-
bat opprobrium . Bythinix Regina
convitio dictus , curru in Capitolium
invectus ; Fur quod adiit Consul , prius
impiè raptor , quàm Imperator . Ad
Orbis Falces respiciens , despexit Vr-
bem : Virtute suppar , imparem For-
tunâ Pompejum vicit ; cui moriens ho-
nores reddidit , invitus ad statuam pro-
cidens

cidens. Sauciam Libertatem curantis in
speciem dum tractat, enecat, non fa-
nat; Linimenta nesciens, venenum af-
fudit vulneri. Sensere Ipsum Romani
Regem ultra Romulos, Tarquinius:
Diademata dedit laurus: calva Cæsa-
ri cæsaries, intonso Apollini Coronam
inviderat. Aerario pecunias, Viri di-
gnitates, Dignitatibus suffragia, Suf-
fragiis fidem extorsit. Matris stupra-
tor somnians, pollutor vigil; Patria
Mater erat. De Oedipo lusit, de Hercu-
le, furore hunc secutus, incestu illum.
Divina ista scilicet! Suæ ne obesset Am-
bitioni silentium, seipsum stylo prosti-
tuit, cæsis impiè Civibus, Regibus
barbarè devictis exfugens sanguinem,
quo sua facinora scriptitaret: Sæpe de
Hostibus, de se nunquam Triumphator.
Maximus minor Magno, cujus
ad tumulum flevit, invidus gloriæ.
Cadu-

Caducum Cæsari Imperium, Caducus
portendit morbus : salutem humano
cruore quærens, Urbem, gladiato-
riam arenam fecit, recentem ut hauri-
ret passim. Imprudens : validum iam-
pridem amuletum gestabat; Vngulam,
se Alce. Infrà se habuit cuncta : Aquilæ
iratus sibi non assurgenti, Senatum
excepit Sedens. Sedens sic Pacis in asy-
lo confoditur : Strenuum Bruto expro-
brans parricidium, Libertatis qui vin-
dex nefarium sustulit, almam Qui Ci-
vium Matrem occiderat. Imperium tan-
dem per cædem exiit, Successoribus per
cædem pariter exuendum. Varia Patrię
spectacula dederat, gratius postremò
nullum ; sui quoniam, non Feratum.
Quale Mortis genus optavit, subiit ;
inexpectatum, non lentum : Quale opta-
vit, meruit. Impium Bustum sepulchro
Tyberis vix subtraxit Lepidus, illepi-
dus

us Populo , cæso Cæsari vel ultra ne-
cem irato.

*

*

*

Ad Generum Cereris sine cade, &
sanguine pauci

Descendunt Reges, & siccâ morte
Tyranni.



CÆ

C Æ S A R

Mari innatat, cum Commentariis.

Ambitione tumens sua Commentaria portat
 Per fluctus, quamvis sæviat unda maris.
 Ipse natans sibi securum promittere portum
 Audet. Vter mergi nescit; inanis erat.

C Æ S A R E

Peremptô Stella apparet.

Quæ tenui sub luce micat vix flamma per
 auras,
 Hanc ne cæsi animam Cæsaris esse puta.
 Fax est, ab stygiis sed fax emissâ caminis,
 Quâ meritum exagitat dira Megera Caput.

CÆSAR

Pluribus vulneribus confoditur.

Ingentes forviffe animos in pectore Cæsar
Dicitur; *et* vero consona fama fuit.

Nam quò spiritibus par tantis exitus esset,
Prepandit latas plaga iterata vias.



CÆSAR

Sedendo excipit Senatum ,
Sedens confoditur .

Vertice ubi nubes magnus conscendit
Olympus ,
Et celebrat Ludos Græcia festa suos ,
Expressit Phidias ingenti mole sedentem ,
Quod stantem haud caperent maxima tem-
pla Iovem .
Altior Imperio sedet , admittendo Senatum
Cæsar , Olympiacum se putat esse Iovem
Quinimò ut semper sedeat , nec surgere possit ,
Confossus gladiis (jure) sedendo perit .

CÆSAR

Malè Bruto exprobrat
Parricidium.

Q*Vid planctu lacerata sinus, quid sordida
tabo*

Cæsar's ad bustum flebilis umbra cubat?

*Vulnera quid Cælo ostentat, quæ plurima Bruti
Iurata in Patrem dextra cruenta tulit?*

*Fata subit Bruti ultoris benè Filius ultor;
Iustius haud poterat fata subire Pater.*

*Cæsar adoptatus Patriâ Pater opprimit Urbem;
Cædit adoptivus Filius ense Patrem.*

OCTAVIUS AVGVSTVS.

EXtulit Quem Historiæ aura, non
 virtus: applaudentibus non Ge-
 stis, sed Famæ Scriptoribus.
 Homerus Achillem fecit, Augustum
 Maro. Accia Mater visa Dracone ini-
 ri: Draconem in hominis speciem eni-
 xa est. Proavo suburbano satus, Urbis
 fit Caput: Operario Avo, ope ærarij Ca-
 put fit Orbis: Vrsæ referentibus Astra
 notis pectus ei pictum, hinc astu ferox.
 Minaci militum ense, non merito, Con-
 sul primò. Adulatio Romulum, me-
 tus vocavit Deum. Venit per sentes ad
 Imperium, flores fastigium dedit, spi-
 nas dederat Parenti. Pompejus, Anto-
 nius, Lucius Pudicitia laudarunt, Hir-
 cio, quam Hispano subegerat. Dando
 nimius, Urbis obsequium, Annonâ,
 Ocio emit. Naves, Legiones perdidit;

B

Iugis

Iugis ei Alexæ Lusus, aliquandô ut vin-
ceret. Vafer in omnibus Protheus. Per
suorum clades Victor illaudatus, pa-
catum tandem Orbem offendit, arri-
dente Fortunâ, Fœminâ, mutabili, coe-
câ. Militem, Civem aureis mancipa-
vit compedibus. Violentâ lenitate,
quos oderat sustulit, grassatus clam Ve-
neno, Ferro, Amicitia, Pacis, Manu.
Supercilium adscititiâ comitate remisit;
Scævitia diù latere non potuit; jurè Dra-
conis creditus Proles. Perusiæ captis
deprecantibus vitam, moriendum res-
pondit: dignum Alastore responsum,
non Deo. Dedititios ad D. Iulii Aram ma-
ctavit, Carnifex, non Mysta. Ad eandem
confugientes abripuit, cæcidit. Irâ non
vacuâ, vacuum fassus Parentis Numen.
Reipublicæ manum in Rempublicam
armavit, vivente quæ Ipso didicit mori.
Impurissima longe Scorta, Filiam, & Ne-
ptem,

ptem, luxu, vino interdixit: serò, for-
dida iam pridem Venus irrepserat. Can-
cinomata vocitavit; erant: superna Ge-
neris viscera, ad hæc demiserant dede-
cus. Tiberium adoptione extulit, ut
fœdaret Imperium. Comparatione de-
terrimâ gloriam quærens, non nisi pes-
simis meliorem se prodidit. Patriam si-
bi commori optavit; conatus est alieni
sermonis facere: Græcè Romanos iussit
loqui, Romæ sic ut Romam eriperet,
cui eloquio præstantius nihil. Conjura-
ti plures in eum exorti? Infonti infestus
nullus. Vnicâ cœnâ Urbis annonam
voravit inter Deos discumbens: jacta
hinc in Deos calumnia. Alienas corru-
pit uxores; adulteria excusavit, sinu-
bus temeratis mulierû, ceu hostium con-
silia rimaturus. Inter Numina recensere
Augustum suasa Roma, quæ capescen-
tem iam Stygis iter pexisse comam, spe-

culum consuluisse cognovit. Sic moritur Nolæ Senex nequissimus, Muliebris Libidinis, & Ambitus Victima. Memoria Augustali, Augustales ludos decrevit Populus: meritò; Humanæ Gloriæ terminus, præter Ludum, Nihil.

— *Sic savior armis*

Luxuria incubuit, victiamque ulciscitur Orbem.



21

AUGUSTO PVERO

Aquila panem abripuit.

Augusto propior Cælo demissa per auras
Abripuit Cererem fida ministra Iovis.
Iuppiter indigno mandat cui pabula vitæ
Auferrî, dignum quis putet Imperio?

AUGUSTVS

Populum Annonâ
pellexerat.

Venalis Populus, venali vendidit escâ
Imperium: Ventris sic jubet Ingluvies:
Ambo Raptores, Populus cum Cæsare; quidquid
(Vt regnet violens) Hic rapit, Ille vorat.

AUGUSTVS

Emit Donis Militem.

A Vro emitur vilis miles, quē prisca jubebat
 Disciplina legi, quem prohibebat emi.
 Iam Iugurta tenes totā quod mente petisti,
 Emptorem tandem repperit Imperium.
 Disciplina Vale: corruptā hac, Roma valeto;
 Auro emitur miles, Venditur Imperium.

AVGVSTO CÆSARE

Tres soles illuxerunt.

T Res pariter Visi Cæli de Vertice Soles,
 Vix radios terris explicuisse suos.
 Merferat obscurā terras caligine Cæsar,
 Vnus nec poterat Vincere Sol tenebras.

AVGVSTVS

Ab Vxore Veneno occiditur.

INficit Augusto vietū Mors livida vultum,
 Irrepiťq; genis anguis, & ore scatet.
 Nempe Viro mortem furialis miscuit Vxor,
 Et Marte invictum fœmina fraude necat.
 Niliacos animo Caesar perpende triumphos,
 Fœmineiq; angues triste monile sinus
 Fœmina nunc hortis quæsita venena rependit,
 Livia propinat, quod Cleopatra bibit.



CLAVDIVS TIBERIVS NERO.

Nominum ignominia , Historici
 Anthrax Corporis . Imperij Pa-
 ludamentum , Civili quod Is
 purpuraverat sanguine , suo meruit sa-
 turare cruore , fœdum at illud Muricem
 respuit . Matri Hostis , defunctam quo-
 què prohibuit Honoribus : Primitiæ lau-
 dum Pietati erumpant . Iustitium inju-
 stus negavit Druso . Germanici obtre-
 ctator , fortè Interemptor : oderat mor-
 ribus dissimilem . Ter Parricida , Filiis .
 Famam , Vitam , Funus ademit . *Caldius*
Biberius Mero Liberum Patrem adama-
 vit non liberos . Flavio Syriam , Vr-
 bis Præfecturam Pisoni dedit , strenuè
 quòd sibi compotaverant , Vtres alio-
 qui *Æolij* . Epulo semper plenus , Ne-
 potes sustulit Fame . Famem Nepoti ve-
 tuit ,

tuit, ut viveret. In Vitam invitam coëgit, Morte quoniam ipsi deterior Vita. Oculum prius Huic excusserat verberere, Verbero imo Carnifex. Rapinas excepit cędibus; scelere superfoetans scelus. Parthorum Regi aurũ cum vita eripuit; Columba confugerat ad Accipitrem. Secessit ab Vrbe, sibi natus, non Populis: privatis ociis Publicam Rem posthabuit. Inaccessam adivit Insulam, sibi communiret ut Vitia. Libidini colendę secretum favet: hanc topiario opere auxit, falcem radicibus Virtutum immittens. Scortator Mœchę jungitur, Vxorem coactus dimittere: dignus amasiã non conjugē. A crepundiis verecundiam ejuravit, omni impudentior Majumã. Cœnanti, nudis corporibus ministrare coactę Virgines; sevius Morte Ingenuis supplicium: Pudoris quam Ipse exuit purpura, exutas vestibus velavit. Ædes,

sedes

sedes se dignas habuit, novo stipatas Heroum genere, quibus Ipse Claviger, gestans pro Leone Hircum. Neque infantiam præterit, polluit indignante Naturâ, horrentibus Cupidinibus: Sacros quoque incestavit lucos; Dianæ parentes, pathicæ prostituit Veneri. Vix Templo pepercit; Ministranti Ephebo tantum non iniecit procacem manum. Similis Æschilo Calvitie, dissimilia invênit Fata: reverita est Aquila Imperium, non Imperantem. Dissitus Tyberi Tiberius, Caper Capreis, vegetiore adhuc Capulari nequitia, stragulis libidinum testibus oppressus est; Viâ spiritibus obstructâ non Fatiscit.

*Aspiciunt oculis Superi mortalia
iustis.*

TIBERIVS²⁷

Nepti excussit oculum.

A Grippina tibi quod verbere lumen adem-
ptum,

Non hoc servitiae, sed pietatis opus.

Dimidium dempsisse mali tibi Patruus optat:

Mox Natorum uno lumine fata vides.

TIBERIVS

Nepotes sustulit Fame.

Cum Tibi sit ferrū, virusq; nocētius armis,
Crudeli in Pueros cur furit ira fame?

Vt vivant moriendo diū, ut vivendo perirent,
Præpropera odisti funera, lenta placent.

TIBERIVS

Caper Capreis .

O Urbis quòd capiti Capreas, fædosq; recessus
 Prætuleris, sunt qui de sippiuisse ferunt.
 Ast sapiuisse reor, causam Vis? accipe: Capro
 Non qui vit Capreis aptior esse locus,
 Adde, quòd & Capreis, quàm Romæ tutior esses,
 Cum Lupa nō posset Martia ferre Caprum.

TIBERIVS

Imperium simulatè detrectat.

Proscriptus Romæ, Romæ modò scribitur
 hæres,
 Urbis & ad fasces exul ab Vrbe venit.
 Imperium supplex advolvit Roma, sed ille
 Oblatum precibus ferre recusat onus.
 Si precibus Roma absisas, tua Regna T-
 rannus
 Invadet: precibus quid negat? esse pius.

CA-

CAIVS CALIGVLA CÆSAR.

Era hominum, ferarum Homo. Supercilio dum nascitur. Naturam terret, stupentem se My-santropon genuisse. Sidus, Pullum, Pupum vocavit Miles; consultiùs Come-te, Hydram, Cacus. Tiberio Agna-tum, non Germanico Natum se memi-nit: Gentilitiâ de stirpe deleterias tan-tum baccas excerpfit, ad nefarias neces. Tubas audivit ex utero, semini parem indolem nactus. Miles ab Infantiâ, Cly-peo priùs exceptus, quàm ulnis. Seda-vit Puer tumultus, excitavit Vir. Cali-gulam fecit Caliga, infimus militis or-natus. Gregarii speciem induit, vt in-fra gregarios exueret Vitam; Ad Im-perium vectum, calcantem Virtutes, sti-parunt vitia, deferendum nunquam. Aerario vim intulit, Sororibus stuprum: pol-

pollutas exoletis prostituit : tales sacramentis adjecit . Cervicibus Deorum resectis, suffecit suam, dignius infigendam furcæ, trahendam vncis . Medium se fratribus Diis adorandum præbuit, Latiæ acclamatus Iupiter . Sibi extrui Templum, Hostias mactari jussit, Hostia Ipse opima mactanda Iovi, cui in Capitolio non semel contumeliosus . Aureum Civibus apposuit epulum, divitiis ad inopiam usus, totus Mydæ similis : dapfili scenâ placuit esurientes torquere, Charitatem Caritate pervertens . Tiberio expiranti detraxit Annulum; brevi vsurus : ad paria scelera, sorte pari . Pavit (ridendus Iupiter) fulmina, cogente conscientia in metum . Comœdias exhibuit Populo, quem faceret Tragediæ argumentum . Fascias viritim distribuit, esset vt Civibus quo alligarent ab eo vulnera . Hæsitante Conjugii fide

de, Iuliam Drusillam ex feritate filiam agnovit; Non generant Aquilæ Columbam: cædes Ei ludo erant. Insciendis aquis Venena paraverat; volare mortem, non currere ad Urbis intercessionem cupiit. Truci, comites Furie semper, saturæ nocendi nunquam. **VERE' PIVS OPTIMVS MAXIMVS!** Chæreæ, promeritum gladio intulit, *καίπερ* Sabinus trajecit pectus: Sabinis nusquam cum Romanis convenit. Ortus inter arma, armis occidit. Vno metere ictu Romana Capita gestiens, Romæ Caput, capite minuitur, trigenarius triceno vulnere confossus.

*Culpam Pœna premit
comes.*

CALIGULA

Pavet fulmina .

Iuppiter horrificâ molitur fulmina dextrâ ,
 Demens ad strepitus exanimate cadis .
 Fulmina nō metuit Numen, nō concutit horror ,
 Numinis imparvidi nil nisi nomen habes .

CALIGULA

Sibi extrui templum , hostias
 mactari jubet .

Simia Divorum , dios sibi poscit honores ,
 Placari pecudum sanguine , thure coli .
 Effigies sacri nitet aurea Cercopithecî ,
 Quâ Nili sælix intepet unda vadis .
 Bellua quæ nã horû major ? non ambigo honores
 Hic sibi non vetuit , jussit at Ille sibi .

CALIGULA

Triginta vulneribus confossus.

Triginta tibi cur inflixit vulnera Miles,
 Et plaga ad mortem non fuit una satis?
 Noverat esse suam facta: at dubitabat an esses
 Triginta capitum Virgiliana sues.

CALIGULA

A Chæræâ gladio occiditur.

Scommate quem toties risisti, Cæsar, inultum
 Non rides: fatuos vindicat ecce jocos.
 Sic xaipe, aut salve, patriæ regnator Eoæ
 Non tibi jejuno Psytacus ore sonat.
 Sed Chæræa tuo saturatâ sanguine dextrâ
 Te jubet æternos, mime, valere dies.

CLAVDIVS CÆSAR.

ADolevit ignotus, cœco tramite
 perductus ad Togam. Latebrę
 dignum inerti juventæ thea-
 trum, publicæ reddidere luci, Publicę
 vt pateret Infamię. Campano in agro
 Praxim fecit Alcę, Theoriam conscrip-
 sit, facilę Artis Princeps. Causarius cor-
 pore, hebes animo fuit. Caio cæso, laten-
 tem metu detexit Miles, prostantem vix
 pede: caput abdiderat pauor. Furens Ille
 ad Imperium traxit, Hominem ratus: Ho-
 minem Natura inchoaverat, non absol-
 uerat: perficiendo, mens defuit. In flu-
 men jactus, non mergitur; Cucurbita ina-
 nis. Ad Imperium ægrę passus est duci;
 metuit se rapi ad pœnas, supplicia meri-
 tus. Adorante Milite, Imperantis prę-
 nomen respuit: hoc unô sapiens; pude-
 bat uti, Lauro tamen dignus salsamen-
 tariâ.

rariâ. VINO diffluus semper, non curis,
vigilavit in Thoro, sterteret ut in Thro-
no, Iudex infusus, inconsultus, injustus.
Adulteria parciùs, cautiùs patranda mo-
nuit ex tribunali, patrata non punit:
Sibi sic erudiebat Mœchos. Matrimonia
tulit, qualia meruit. Prætervehenti For-
rum, Aquila insedit humero; aut Signis
decepta est, aut Leporem credidit. Fo-
ro item medio secundarij panis fragmi-
nibus lapidatus, exprobrante annonam
cariorem Populo. Non Arcubus Ro-
mam, ditavit Fontibus: Bibenti me-
rum Aqua competit; Imbelli, superva-
cua Triumphi signa; Gesta Majorum
adiexit Annalibus, consultiùs qui pro-
pria interdixisset Historiâ. Ternas con-
cepit litteras, gestavit Elephas, Musca
peperit: Parenti hæ commortuæ, aver-
sante Orbe commentum frigidum. Im-
peranti, nihil cum Imperio: Servicola,

Vxorius, infra Principem, cuncta. Ex-
 horrendum quod ipsi fuerat, Conscientiæ
 tribunal iussit adire Ciues; Malis Româ
 eiectionis, incassum, se incolâ. Amasiæ
 incubans, Vxorem publici juris fecit:
 hanc vulgarissimi ventris scortum voca-
 vit Dominam; frondens tandem fronti
 dedecus vel cœcutiens palpans, bar-
 dus, tardus, vix demetit. Sublato tha-
 lami probro? mœruit, meruit. Assue-
 to leue Infamiæ pondus. Exlex legem
 fregit, Neptem aptavit lateri. Tandem
 ne invideret Divum sideribus, Apotheo-
 sim Hæc Ipsi maturavit Boletis.

*Loco Ignominie est apud Indignum
 Dignitas.*

CLAVDIVS

Scriptit Annales.

Non malè vulgasti Mājorū gesta tuorum,
 Quod tibi, nil, de Te quod legeretur, erat;
 Obscurus Vitiis alienæ lumina Famae
 Captas; desperans posse nitere tue.

CLAVDIVS

Tres adjecit Literas.

Grammate terno auges Linguae rudimen-
 ta Latine.

Furax rapaces publico injicis manus.
 Prostituis Famam cum Conjuge, Conjugis
 Hircus:

Quis literarum Te trium Virum neget?

CLAVDIVS

Fungis perimitur.

Pura maritalis thalami consortia passus,
 Vir bonus, haud savâ morte necandus erat.
 Accedant igitur Divûm bellaria mensis
 Proxima, & instructa Conjugis arte dapes.
 Scilicet ut pereat, quod gignit terra venenum,
 Illa hoc nectareum proferat esse cibum.

CLAVDIVS

Consecratur.

Desine Niliacis nascentia Numina in
 Hortis,
 Ægyptiq; sacros carpere Roma Deos.
 Desine, nam majora tibi deliria, Fungos
 Quos perimis fungis, hos facis esse Deos.

NE.

NERO CLAUDIUS CÆSAR.

Accede Africa, cedò Monstra,
cede Monstro: Sexus cui pro-
miscuus, Furor jugis, Vene-
num præsens. Sporo sponsus, Dory-
phoro sponsa, Purpuram induit, Pudo-
rem cum exuit, Meretriciâ eviratus La-
cernâ, Lupanaribus infamis. Probrosu-
ne quid omitteret, Aurigam, Histrio-
nem se Populo. Pulsavit blandiùs Ci-
tharam, Musica feriozem reddidit. Mer-
sus Libidinibus se in Parthos armavit?
fugiendo pugnant. Moralia tam indi-
gno pectore ingerentem, morte Sene-
cam multavit; meritò, Furorem quòd
armaverat Eloquētiâ. Christicolis atrox:
quid mirum? Lacerat Agnos Lupus: as-
pexit Lumen, non tulit, Noctua meri-
die caligans. Tygillini per Ipsum tædē
cœcurienti Orbi præfulsere; itineris in-

dicēs ad Viam, Veritatem, Vitam. Ser-
uari ipse reuult, devotum vtrique Orco
Caput. Vrbi Dedecus infixit, Eā vocatā
Neropoli; breui hęc fœdum excussit
Nomen, Oneri quod erat, non Honori.
Domum unam fecit, facilius ut perde-
ret. Se perennando, Majorum diruit
Monumenta: arietantem alienas glo-
rias, perculit Ignominia. Deterrimus
ut fieret Mortalium, Incendiarii postre-
ma deerat nota: iactavit inultam, at non
inultam: incendit Patriam, Almā ut cum
Matre Orbis deficeret. Coactas adspe-
xit vorantes Romam cum risu flammās:
risus hinc ei Sardonicus, Trojam reci-
nens cadentem, sibi excidium prolusit.
Religio NERONI, Nerone digna:
nulla prorsus. Deorum sacra diripuit,
Ædes incestavit, Vestales polluit. Sæpius
Vxoricide, Poppæam quoque poppi-
zantem peremit calce, equis insultans,
non

non Eques. Libertam deperiit Acten,
optavit Conjugem, Patricio indignus
Connubio. Locustâ monstrante (quid
si Vipera?) Fratrem sustulit Veneno.
Patricidium Integrum, prævertit Pa-
rentis Funus. Vni fortè Matri pacatus?
Bis violavit, Vtero recusso, Ferro incus-
so. Iudex puniendo deerat, supplicium
non defuit. Ipsi sibi Liçtor, & Carnifex.
Turgenti Civium sanguine, vena erat se-
canda; largiùs reddendo impar unica;
peritam sibi conscivit dexteram, secans
jugulum. Mortalium scelera VNVS
compendio absolvit; VNO hoc lauda-
bilis, sustulisse NERONEM. Obiit,

☞ *Non misura cutem, nisi plena cruo-
ris Hirudo.*

N E R O

Histrio.

A Rdens fulgebat Tyrio tibi murice Lana,
 Caput coronâ regiâ, sceptro manus :
 Mox ubi lussisti satis, atq; Tragœdia fini
 Vicina, summam postulat catastrophem,
 Persona eripitur, moriens incumbis in ensem:
 Verum Histriionem te fuisse denegas?

N E R O

Conflagrante Vrbe fidibus canit :

I Lliaca exequeris ferali incendia cantu,
 Vrbs latè injecto dum flagrat igne Nero?
 Et cytharâ inferias busto das Impius Urbis?
 Dumque madent aliis fletibus ora, canis?
 Reddit jurè vices : festis tibi leta parentans
 Vocibus, Vrbs etiam, te moriente, canit.

NE-

N E R O

Occidit Matrem.

VIpereâ qui cæde sue genitricis in alvum
Serviit, hic furiis debet Orestis agi.
Materni occurrant manes, agitentq; furentem:
Culeus, atq; ultrix obruat unda scelus.
Sed, Nero, te absolvo: meritas à Vêtre reposcis
Pœnas, qui tantum noxia monstra tulit.

N E R O

Poppeam Vxorem calce, se ipsum
dexterâ interficit.

L*Ethifero dirimit Cæsar connubia calce,*
Quod pede dissolvit, strinxerat Ipse manu.
At malè divisum junget, Mors justa, Marite:
Quod pede divisit, sarciet Ipse manu.

SERGIUS GALBA.

Gracilis Hedera ruinis AVGV-
STORVM irrepsit. Aruit Ve-
niente Laurus, Cæsarum ornan-
dis temporibus aliunde suppetiit. Ex-
cussum Octavii manu, collegit sceptrum.
Fatorum necessitas impulit in solium.
Fortunæ arripuit comam, tenuitquæ ar-
ctiùs; somnomersam invênit: fraudata
tamen donariis, iratam sensit: Fœ-
mina & ipsa erat. Irridentem Tiberium
irrisit eventus, *Mula peperit, GAL-
BA CÆSAR*. Vidit Roma sæpiùs de-
terrimos imperare. Pejor Galba Pessi-
mis, duxit qui gloriæ loco Tauri flu-
xisse de Pellice; cujus libidinis ex asse
hæres. Hoc vivente, visus superstes
Nero, Quo sublato Vitia steterê, muta-
tâ dumtaxat Munificentîâ: nil aliud of-
fendit inculpatum. Vilioribus Digni-
tates

tates proiciens, indignas fecit. Legiones contempsit, somnia metuit. Loricâ munitus lineâ cum Morte luit: reluctari colluctanti non potuit: a suis desertus opprimitur, cæditur, obtruncatur. Proletaria Capita in Ejus Caput consumpsere ludibria. Tenebrio sic per tenebras ad Othonem protrahitur: brevî secuturo, præcursorem objecit Miles, parem u portenderet exitum.

☞ ——— *injusti tolluntur in altum,
Ut lapsu majore ruant.*

G A L B A

Monile Fortunæ destinatum,
Veneri dicat.

B Accato decorare parat simulacra monili
Fortunæ, Imperium quod sibi sola dedit.
Numine sed luso, Paphiæ sua munera Divæ
Obtulit: intentat cum Dea spreta minas.
Fædè litas, (inquit) Veneri tua munera perdis:
Martem, non putrem deperit illa senem.

G A L B A

Aruit Vejento Laurus.

V Ejeto exaret Laurus, quæ plurima sacras
Principis ornabat fronde virente comas.
Nil est cum Lauro, consperso tempora canis,
Cupressus, cæso mox tibi Laurus erit.

G A L B A

Iactat se Pasiphaë satum.

Pasiphaës stirpe infandæ mentitur arvitâ
 Se regale suum ducere Galba genus.
 Iactaret verum, genuisset ni illa iuvencum
 Semi ferum, & totus bellua, Galba foret.

G A L B A

Mulâ pariente Cæsar.

Lampade nō Solis geminâ, non sideris ortu,
 Cynthia non vultu prodigiosa tuo;
 Non igni lambente caput rapit omina Regni:
 Quid dignum tanto Principe? Mula parit.



GAL-

G A L B A

Occiditur ad Lacum Curtium .

Multiplici corpus confossum vulnere dicunt

Non procul à Curtii procubuisse lacu .

*Pro Patriâ insiluit generosus Curtius antram,
Hic Hostis Patriæ concidit ante Lacum .*



OTHO

OTHO SYLVIVS.

LYdio Agro genitus, immodicus
formæ cultor, Romano cultu
floruit Imperio: Pater infami
Delatoris laude statuam meruit: fortè
& Tiberii Filius. Imago Parentis Otho,
inter sordes abditus, iniquo exinde se
evexit astu. Anum edentulam (Cu-
mæam Aulæ) simulans deperire, cœpit,
decepit. Mendaci Cupidinum lenoci-
nio amantem hamavit; Principem adi-
turo Prodrōma hæc fuit: conciliante il-
licò animos Genio, humaniùs exceptus
est; Ætate quoque & moribus Neroni
persimilis: Mutuæ statim attriverunt
libidines, Libidini mancipatos. Am-
biit Otho Imperantem, ut Imperium in-
vaderet: Brevi se Domino prætulit. Cre-
didit ille scortum, Is ardentius amavit,
audentiùs corrupit, contumaciùs occu-
pavit

pavit. Alebant spem in sceptrum sidera,
Astronomis effutientibus sortem.
Astu astra juvit, improbo conatu semper.
Fallentem se Galbam obruit, se ne
Aes alienum obrueret, solo satis tutum
Imperio. Germanicâ defectione luxa-
ta Sedes contremuit, propè casura. Ne-
ronem qui oderat, Nero vocari passus
est, assentante Honoris injuriâ Milite.
Perditam libidinem Marti imparem ex-
pertus, decidit animo. Commisso vix
Prælio aufugit, obstruentibus iter saxis,
Tyberi quoque subdito. Vitæ momen-
tum, momento amissionis cognovit,
ignotum non secus pudorem, moriens.
Non se tutus, diffidit Copiis: Pavidum
non munit murus. Obcumbenti sera obitus
cogitatio. Pugiones aptavit binos se pe-
rimendo, acie quò potuit præstantio-
rem delegit: Fideli ictu Cor trajecit,
Anatomes peritissimus. Intra centesi-
mum

O T H O

mum diem regnavit, ratus se ultrà se-
cula regnaturum.

Fortuna vitrea est: tunc, cum splen-
det, frangitur.



OTTO

D 2

OTHO

OTHO

Se depilat , fucat .

Culta paludatus fucat sibi Sylvius ora ;
Adscitâ calvam cæsariequæ tegit ,
Quâquæ pili rigeant molli de corpore cellit ,
Ne turpet teneras hispida barba genas .
Tam citò festinet videò cur dedecus Orbis
Excudere Imperium : creditus est Mulier .

OTHO

Vultum ad levitatem exæquat .

Forcipe sylvasas lentè percurrere malas ,
Et variè sparsos te resecare pilos ,
Lōga mora est Sylvi ; sylvâ si protinus omnem
Ictu vis uno cedere , cæde caput .

O T H O

Duos pugiones in suam
necem parat.

IN sua dum ferro sceleratâ viscera dextram
Armat, rupturus Sylvius ense latus,
Spicula bina parat: nam tantæ Bellua molis
Pugio, quo caderet, non satis unus erat.

O T H O

Præstantiorem acie pugio-
nem eligit.

Qui sēper virvus Populis, & inutilis Vrbi,
Vult Patriæ moriens utilis esse suæ.
Pertentat ferrum quod acutius, ut cito se se
Sublato, Patriam liberet interitu.

O T H O

Se perimendo binos aptat
pugiones.

Insidiis Otho fatalibus undique pressus
Victima Regali vult cecidisse manu.

Protinus armatur gemino mucrone Tyrannus,
Diraque in ancipitem duplicat arma necem.

Si prior incerto gladius peccaverit ictu,
Vulneris errorem corriget alter, ait.

An magis haud uno dū se transverberat ense,
Non semel est fassus se meruisse mori?




55

AVLVVS VITELLIVS.

Lixarum, Calonum, Mulionum
facile Princeps. Omnia TI-
BERIO: compendiò satis.
Cum Senatu Culinam, Oeno-
polium cum Capitolio mutavit. Bove
segnior, VITELLIVS Vitulus. Ven-
ter Huic Deus, non Iupiter, cujus delu-
brum incendit. Glutivit Ærarium, mox
se ipsum, Mensarum Scylla. Vni impar
Virtute, par Ingluvie millibus. Bac-
cho, Venere infamis: carior vtri? du-
bium. Non intentatas Fœditates, non
intactas præterit Dapes: Virtutem ex-
cipe, cuncta ei benè olentia. Pontificis
quoque nitorem inquinavit, attingens.
Plebem familiarem, Lenones à Cubicu-
lo, Histriones à Consilijs, Aurigas à Se-
cretis habuit: deteriora latent. Hæc
Opera, atque hæc sunt Generosi Princi-

pis Artes! Magistro Epicuro illud didi-
cit tantum: EDE, BIBE, LVDE.
Oculos cædibus, Gulam saturavit dapi-
bus. Pocillator filius, Venena propina-
vit Matri: Caucaſo meruerat erumpe-
re, Lernâ ali. Executiente Ipſum Impe-
rio, viſus eſt deſilire; ſerò: deturbavit
folio Fatum. Aſtra ratus transcendere,
cœno eſt volutatus, verubus, non lan-
ceis tranſfixus. Laniatus ſic tandem La-
nio, uncis ad Gemonias protractus, pro-
ſciſſo armis corpore, diſcerpto convitiis
animo, per vulnera ultra necem paten-
tia, refractarium ſpiritum, cruentis vi-
ſcerum anfractibus expulit.

 *Nulla Potentia quaſita ſcélere
diuturna.*

57

VITELLIVS

Cæsaris prænomen recusat.

CÆsaris ingenti vetuit se nomine dici
Cæsar; nec temerè nomina magna fugit.
Egregiis ut cunque heros virtutibus ille,
Arvinâ vitulus sed piger iste fuit.

VITELLIVS

Se e stirpe jactat esse Deorum.

TE sobolem jactas, Cæsar, prolemque
Deorum,
Esto: sed superos te genuisse nego.
At genus absolvis: præceps ad tecta Deorum
Cum per Gemonj tendis aruita gradus.

VITELLIVS

Venena propinat Matri.

A Spice Vitelli vitam aversata, diemq̃,
 Pēdet in interitum jam moritura Parens.
 Tu pius an blando fessam medicamine mulcens
 Corda salutiferis potibus agra fovēs?
 Pocula lethali præbens medicata Veneno,
 Hæc, ais, à Nato pharmaca Mater habet.
 Illa refert, Virus Matri te reddere dignū est,
 Vbera Vipereo quæ tibi lacte dedi.

VITELLIVS

Cœno volutatus.

I N cœno vixit (cœnum quis denegat esse
 Luxuriæ sordes, ingluviemq̃ dapum?)
 Inque volutatur cœno, rapiturque cadaver,
 In cœno pariter Vitaque, morsque fuit.

VE-

244 A 12 A 47 3 1 59
VESPASIANVS AVGVSTVS.



Mplissimo aperta patore exur-
 gant Atria, Majorum Imagi-
 nibus exornanda. Gens AV-
 GVSTO Huic Angusta, ad
 Centuriones, Argentarios, Milites, Pu-
 blicanos, Fœneratores Atavos retulit.
 In vico Natus, quercu auspice Cæsar.
 Imperium, probum hunc censuit, tan-
 tùm non pessimum: Simulatâ probitate
 deceptum est. Invasit sceptrum Astu,
 non Impetu. Pronum in flagitia Genium
 represserant Gemoniæ, Majorum cruore
 fœdæ. Servili planè animo contume-
 lias tulit non irascens, passus vel luto pa-
 lam sibi oppleri sinum. Vxore amissâ
 Libertam suffecit Thoro: ab ista? Pelli-
 cum greges. Proconsuli Otium pro
 Negotio. Vndecunque adfulgeret Au-
 rum, Clytia. Lucra commendavit for-
 dida,

dida, crisea sitis : Vectigalibus , Proscri-
 ptionibus, Præscriptionibus in mercimo-
 nium deductis. Emporium Imperium
 fecit : Reipublicæ quoque salutem lici-
 ratus est tanti ; mangonico olim quæstu
 infamis. Histrionum, Lurconum, Ne-
 bulonum Antesignanus, Theatra cogi-
 tavit, Convivia, Ludos. Helluo ca-
 pacissimus, diario jejunio menstruam
 correxit ingluviem, uni subtrahens
 mensæ opiparam plenitudinem. Ad op-
 probrium Dicax, Inverecundus, Scur-
 ra. Davus, non Divus. Ingessit qui
 cuncta Ventri, Ventre egressit Animam:
 Vacuus sic abiit in auras fastus.

☞ *Malus ubi Bonum se simulat, tunc
 est pessimus.*

VE SPASIANVS

Dicax, Inverecundus.

Mimica cum jactes dicteria, cum tibi
 Caesar

Regnet in obsceno corde proterva Venus.
 Quid iuvat Imperio Populos frenare rebelles,
 Infrenem linguam si cohibere nequis?
 Sique Verecundum frons exuit ista pudorem,
 Quid tibi Sidonio murice palla rubet?
 Si Rex esse cupis, Regem te purpura frontis
 Arguat, & Regem te tua Verba sonent.



VESPASIANVS

Per quietem videt se eâdem cum
Nerone staterâ librari.

Pars te proscindit probris, pars laudibus
effert,

Grandique exequitur pars tua facta stylo.
Sed litem dirimit Numen, cum Cæsar, eâdem
Te vnâ cum seruo lance Nerone librat.
Par onus, examenque fero te aequale tyranno
Iam facit omnino, Vespasiane, parem.



VESPASIANVS

Libertam suffecit Thoro.

E*Ffertur Conjux clara de stirpe parentum,
Gaudet Libertam substituisse thoro.
Hac fruiere, has sodes sordes amplectere, auita,
Atque tuæ sordis sic memor esse potes.*

VESPASIANVS

Vaticinium suae mortis promit.

C*Um te tentaret, Caesar, violentia morbi,
Inquis Vaticinans, ut puto, fio Deus.
Nulla sed astra dabit, nullū tibi Iuppiter axē;
Te scurram spernet cetera turba Deūm.
Sed cupidum, ditemq; auri, te Pluto sodalem
Excipiet solio (Vespasiane) suo.*

TITVS VESPASIANVS.



Ereat Calamus Publico odio patens, Publicâ si gratiâ potentem pungat. Audeat imò Calamus justam satyram protrahere: mergatur Lethe si mendax. Sordidis, exiguisque Laribus TITVS nascitur. Siquid ominosum, Caligulâ occidente ortum. Per rimam in Imperium irrepfit: tenuis omninò erat. Vaser, non Integer, propèsum in vitia genium coercuit: adesse sceleri supplicium animadverterat. Britannici subiit Sortem, non Mortem; debitum Illi Imperium nactus, non necem: suffragantibus Astris, servavit se cautiùs solio: occultâ stravit fraude quos oderat, excidio vt Civium firmaret sedem; æquitate in cassum reclamante. Aulo Cecinnæ Aulicam Cœnam exhibuit: (Postremam) vocavit, vt cæderet

deret: Roma sic Lycaonem vidit. Alienā scripta fallaci stylo æmulari, suspiciendæ duxit Virtutis loco: seriò nugax ineptam jactavit industriam: quod deterius peritiem impiam. Superfœtantem aurum, auro effœtam Naturam credidit, sibi numquam facientem satis. A Patre defecisse creditus, perduellis fit, Diadematæ Ægyptio. Rediens, adire se Patrem iussit, Ipsum, qui adire debuit: particeps non tantum, sed tutor Imperii, Collega, non Filius. Quid mirum? Nero alter vocatus est; Erat. Exoletorum abusu præ illo Infamis. Fratri Iniquus, sæpius læsum ad Fratricidium impulit: verbis mitis, re sævus: aliud agebat, aliud agebat. Vnum sibi pœnitendum faslus, meritò: semel peccaverat, semel quod vixerat; Vita, stadium peccandi fuit. Propius incumbens Fatum, conatus est flectere lachrymis, flentem illud risit,

E rese-

rescans stamen. Invitus, non inuictus
moriens, bis perit.

¶ *Hi sunt qui trepidant, & ad omnia
fulgura pallent.*



T I T V S

Britannici nece prælibata superstes .

Pælibasse ferunt illæsum toxica , fratri
 Quæ sævus Stygiâ miscuit arte Nero .
 Toxica peccastis ; Pueri malè parcitis annis ;
 Sacrilegum feret hunc , Roma coacta Virum .

T I T V S

Alienorum Codicum æmulator.

Sæpè tibi calamo chartas animare loquaces
 Maximus Ingenii Tite triumphus erat ,
 Reddereque ex scriptis aliena volumina formis
 Credideras magnum Cæsaris esse decus .
 Vade Palæstinos gladio describe triumphos ,
 Barbara sanguineis corpora cæde notis .
 Scripta tibi hæc fastis celestibus astra notabunt ,
 Hos libros Populis Fama diserta leget .

TITVS

Abusu exoletorum Infamis.

IN Venerem infamis (procul hinc discedite
casti)

Hircus scorta sibi mascula jungit amans.

O scelus! hæc tolerat Roma! exclamate Quirites:

At, quòd spes omnis Prolis adempta, silent.

TITVS

Vnum sibi tantùm poenitendum
dixit, moriens.

SCilicet innocuus; tantùm te crimine damnas
Vno? multa tamen cum tibi noxa foret?

Infanda Veneres, patinæ, cædes, Berenices,

Vnius est Cæsar criminis esse reum?

At benè dumtaxat sceleri, Tite, ingemis Vni,

Vnum tota fuit nam tua vita scelus.

FLA-

69

FLAVIUS DOMITIANVS.



Consentaneâ sibi Adolescentiam
 exegit, vilem, inopẽ, desidẽ;
 prolixô tantum Vitorum Syr-
 mate notam. Athleta Veneris fœdô,
 emarcuit otio. Neroni promisit noctes;
 stetit fidejussor Chyrogaphum, flagitio-
 ne deesset cum fide Infamia. Nervæ quo-
 que successuro noctibus notus. Malus
 Cõsul, redditus Imperio Pessimus; Quod
 vt arriperet, Fratrem sustulit. Veneficio
 repetiit, quod Patri, quod Fratri dedisse
 se, jactaverat coram Patribus. Clemen-
 tem interemit Patrum: Inclemens, Cle-
 mentem oderat. Viris Vxores invidit,
 nequissimam assumpsit sibi, cui præ Cæ-
 sare Histrio. Impudenter Hæc admissa,
 pudenter dimissa. Militum decurias ve-
 ritus, Muscarum Myriades perdidit; Lu-
 dis assuetus, non præliis, spectaculis, non

triumphis. Non timeri Civibus, non amari didicit. Parente genitus auripetâ, sanguinem auro prætulit. Voluptate immani cædum, humanitatem ejuravit. Miscuit amplexibus neces, Iræ pariter, ac Libidinis impotens. DEVM, DOMINVM appellari se passus, quod deterius est, fassus. Aureis tantum voluit effingi signis? insigne ipsis, extra materiem nihil. Quam immerito induit purpuram, exuit meritò. Brevi cessit Imperio: imo ferò, impiè quod gesserat; Cadit suffosus altius inguine, quo immaniùs peccaverat, Vestalium quoque pollutor. Mitior moriens redditur; a Percussore Oculum reposcit pro Vita. Fœdaverat Palatium Clypeis, non illustraverat; detraxerê cum Imaginibus Patres, his vt con fractis, attritis illis, periret Imperii Pudor.

Suiscuiq; Decus Posteritas rependit.

DO-

DOMITIANVS

Occidit muscas.

Avdierat stratos Elefantos Marte Latinos,

Roma ubi cum Pirrho praelia dira gerit.

Arma rapit, Veterum cupiens aquare triumphos,

Vicit iò, Muscæ sed sibi Barrus erant.



DOMITIANVS

Pejor Imperio redditus .

S Cădit in Imperiũ, scelerũ de face Tyrannũs
 Impunè vt misero regnet in Orbe scelus .
 Sævities stat fulta throno, trabeata Libido
 Eminent, exercet regia sceptrâ Furor .
 Dum rubeã indutus Romano sanguine Pallam
 Stragibus innumeris Domitianus ornat,
 Heu tua lethiferũ vibraſti in viscera ferrum,
 Cum ſceptrum monſtro, Roma cruẽta, dares.

DOMITIANVS

Polluit Veſtalem .

S Acra Deæ Veſtæ nulli fas tangere, nulli
 Cernere, Romanis vana ſuperſtitio .
 Hanc ridet Veſtam in myſtis, tangitq; videt;
 Sacra illi Veſtæ, ſed ſine Veſte placent.

DO-

DOMITIANVS

Phengite lapide distinguit Muros.

Conscia mens scelerum, Cæsar, tua cuncta
tremiscit,

Atque sibi metuens æstuat, alget, hebet.

Quin etiam Vanæ terret te sibilus auræ,

Sollicitaque auget Musca vel Ipsa metum.

Quo postica tibi pateat fraus, phengite muros

Sepis, sed major nascitur inde timor.

Marmora tolle; metum tolles quoq;: major ab
hoste

Non timor esse tuo quàm truci ab ore potest.

CÆSARVM PRISCORVM

FINIS.

DO-

S V P R E M A C Æ S A R V M F A T A .

I V L I V S .

Libertas Romana perit Te Principe, CÆSAR;
Hinc Libertati victima grata cadis .

A V G V S T V S .

Conjugis insidiis moreris : quid sidera culpasse
Non poteras dextrâ nobiliore mori .

T I B E R I V S .

Quo fugis ? effugies suspendia debita nunquam ;
Nam cum Fata volent , stragula restis erunt .

C A L I G V L A .

Plectendum uno ictu mortalibus omnibus unum
Collum optans , uno haud vulnere strate jaces .

C L A V D I V S .

Vixisti Fungus , desisti vivere Fungo ,
Messuit & Fungum Mors rata falce caput .

N E R O .

Ipse sibi tortor trajecit viscera ferro ,
Nullum nobilius dextra peregit opus .

CAL-

G A L B A.

Quod grandævus obis violentâ Morte peremptus;
Insequitur claudo crimina pœna gradu.

O T H O.

Morte senis quid sceptrarapis, quid Fata laceſſis?
Dum Tibi ſcepra parās, & Tibi Fata parīs

V I T E L I V S.

Quid mirum madefaſta tuo quod ſanguine Roma;
Romani Imperij qui fueras Vitulus?

V E S P A S I A N V S.

Quem latuit quantum os, turpi diſtaret ab ano;
Huic obeuntis oris munus, & anus obit.

T I T V S.

Abſuerit Ferrum, graſſetur nemo Veneno;
Si nolens moreris, Mors violenta tibi.

D O M I T I A N V S.

Inguina ſæda tibi rigidus tranſverberat enſis;
Per quæ peccaſti membra, per illa peris.



MAN-

MANTISSA A D

CAESARES.

VAcua ne perirent pagella ,
CANES CÆSARI-
BVS superaddere visum est.
In sepulchrales excubias ? Absit: impu-
rissimis potius ut Horum oblatrent
Manibus . VERITATI Pia tan-
dem SATTRA litet . Quid nî ?
THESAURUM Laudum mitiore
Fato invenere ? conniunte indulgentius
Orbe . Inesse haud poterat Virtus ,
quibus Religio Virtutum Mater , &
Alumna decrat . Procul ab immeritis
Gloria: solida tantum Pietati || Fama
præfulgeat .

LINDORIDIS CATELLÆ EPITAPHIVM.



Bii LINDORIS , Canum decus. Desilientem Thoro Mors occupavit , Terræ adflixit , Momentô solvit . Artis dotibus cumulatam , vt perimeret , Mortem exoravit Natura : Ingenium Hæc Mihi supra Genus inviderat. Casus quoque Iniquum. Facinus iuvit : Caput allisit solo , non Latus. Sæva sibi tamen Parca ne placeat : læta perii, Heri quæ inter vlnas expiravi. Suffecit Ejus osculis evanescens Animula, Postremum notandis Lachrymis Lumen . His madens Elysia subii ; Canes Heroinæ Principem salutarunt: Innuba decessi ; Phoenix nam cuique sæculo Vnica. Cinnama, Balsama Valet. Feliciori dabit Herus, eni-

xiùs Amanti, Nunquam. Valere Charites, Veneres, Cupidines CANVM; Abeuntis imò convolate Pedissequæ. Virgines, Me tam blandè, tam sollicitè Quæ aluistis, Bellaria Tumulo, Date Funeri Flores: Rosæ procul, Lilia malo: Dianam secuta, non Venerem. Speciei Amor prurire jussit, At vicit Pudor Vteri Æstuantis Illecebras: Abegi morsunculis Atîdes, Adonides Canum. EXIGVO CINERI INGENS HAUD ABERIT GLORIA; Impensius Qui Lusitantem amavit, Amissam Impatientius lugens, Seris Temporibus commendabit. Me Dignam Seculis abstulit Dies Nefastus. XIII. Augusti,

CIO IO C XXXV.

Aurê Claudor Arculâ

C Y N A.

*Melitenſium Catellarum Facile Minima .
Venere Agitatam Grandior Longè Canis
Arripuit*

*Averſanti Ingentem Molem
Imprudens Commendavit Natura
Exiguus At Vterus*

*Proli Impar Titanie Fuit
Felix Geſtationis Labor
Ignaræ Impendentis Necis
Trux Parituræ Lucina adſtitit
Vitam Mihi*

*Lucem Naſcituris Invidit
Arctam Heu Nunquam Laxavit Manum .*

P E R I I

*Pignorum Sepulchrum Non Mater
Enixa Spiritum Non Fætum .*

F I N I S.

Aluise Morosini Pod.

HOs Cæsares, nec non Epigrammata diligenti recognitione perpendi; nihilque in eis Catholicis dogmatibus dissonum, integritati vè morum alienum offendi. Prælo igitur, & Aeternitate (quam præclarissimo Auctori augurari fert animus) opus dignissimum iudico.

Ita Ego Fr. Iulius Baptista Baldellus Sacrae Theologiae Magister, de mandato Adm. Gen. Patris Inquis: Veronæ.

Imprimatur 24 Ianuarij 1641.

Fr. Petrus Maria Dulcetus Ord. Pred. Sacre Theologiae Magister Inquisitor Generalis Veronæ.

VA1
1540940